



UGOVOR o javnoj nabavci vode i odvođenju i prečišćavanju otpadnih voda

KJKP "Sarajevogas" d.o.o. Sarajevo, Ul. Muhameda ef. Pandže br. 4, Sarajevo
Koga zastupa: Direktor Preduzeća Mr.sc. Nihada Glamoč, dipl.ing.maš., (u daljem tekstu: Kupac)

i
KJKP "Vodovod i kanalizacija" d.o.o. Sarajevo, Ul. Jaroslava Černija br.8, 71000 Sarajevo,
Koga zastupa: Direktora Nezir Hadžić, Magistar uprave, (u daljem tekstu: Prodavac)

Član 1.

Predmet ovog ugovora je nabavka vode za KJKP Sarajevogas d.o.o. Sarajevo u 2017. godini, kao i odvođenje i prečišćavanje otpadnih voda, očitavanje i obračun za potrošenu vodu u postupku nabavke broj: IZJN-05-02/17 koji je izuzet od primjene ZJN na osnovu člana 10. stav 1. tačka a) Zakona o komunalnim djelatnostima. Prodavac je dostavio svoju ponudu na specifikaciji kupca broj: SP-OJ06-IZJN-05-02/17-01 i osnovnim elementima ponude, koji su priloženi ovom ugovoru i predstavlja njegov sastavni dio.

Član 2.

Prodavac se obavezuje na isporuku vode iz vodovodne mreže u vremenu i količinama koje dozvoljavaju tehničke mogućnosti vodovodne mreže, na kojoj je Kupac priključen.

Član 3.

Okvirna godišnja ugovorna vrijednost komunalnih usluga iz tačke 1. ovog ugovora na osnovu planirane potrošnje od 4.800 m³ i odvoda i prečišćavanja odvodnih voda iznosi bez PDV-a: **16.411,92 KM, slovima (šesnaest hiljada četiristotinejedanaest i 92/100KM).**

Kupac se obavezuje plaćati utrošenu vodu po cijeni od **3,12 KM** bez PDV-a za 1 m³ očitane potrošnje, odnosno po cijeni od 3,65 KM sa PDV-om, te PVN za korištenje i zaštitu po cijeni od **0,05 KM/m³**. Kupac se također obavezuje da prodavcu plati fiksni dio za jedno potrošno mjesto sa vodomjerom profila 50-100 mm po mjesečnoj cijeni od **20,00 KM** bez PDV-a, kao i fiksni dio za sedam potrošnih mjesta sa vodomjerima profila do 40 mm po mjesečnoj cijeni od **4,00 KM** po vodomjeru bez PDV-a. Kupac se također obavezuje da za prečišćavanje odvodnih kanalizacionih cijevi u objektima kupca plati iznos od **143,32 KM** po jednom izvršenom pročišćavanju.

Član 4.

Prodavac može uskratiti pružanje isporuke vode:

- Zbog neplaćanja računa za iskorištenu komunalnu uslugu u ugovorenom roku,
- Zbog nenamjenskog korištenja komunalne usluge u vrijeme otežanog snabdijevanja, odnosno snabdijevanja uz ograničenje potrošnje (redukcije),
- Zbog onemogućavanja pregleda zajedničkih i unutrašnjih instalacija ovlaštenom predstavniku Prodavca,
- Zbog korištenja usluge protivno propisima ili ugovoru,
- Zbog neosnovanog ometanja drugih kupaca.

Član 5.

Kupac se obavezuje svoje instalacije održavati u ispravnom stanju.

Član 6.

Utvrđivanje količine utrošene vode vrši se očitanjem vodomjera od strane ovlaštenog uposlenika Prodavca. Očitavanje vodomjera će se obavljati jednom mjesečno.

Član 7.

Prodavac će obračun isporučene vode vršiti po jediničnim cijenama iz priloga ovom ugovoru. Kupac se obavezuje vršiti plaćanje utrošene vode u roku od **15 dana** od dana prijema računa, na transakcijski račun Prodavca.



Član 8.

Prodavac i kupac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumjevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 9.

Ukoliko kupac u ugovornom roku iz člana 7. ovog ugovora ne plati cijenu za isporučenu vodu obavezan je prodavcu robe isplatiti i zateznu kamatu u skladu sa zakonom i drugim propisima koji uređuju ovaj institut.

Član 10.

Ovaj ugovor se zaključuje na period od (1) jedne godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 11.

Ugovorne strane su saglasne da prodavac roba neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bila angažovana kao stručna lica naručioca u pripremi prijedloga za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 12.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 13.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 14.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:

Direktor



Direktor Nezir Hadžić, magistar uprave

Broj ugovora: 343/16 20-12-2016

Za Kupca:

Direktor Preduzeća



Mr.sc.Nihada Glamoč,dipl.ing.maš.

Izvršni direktor



Mr. Mehmed Mehović, dipl.oec.

Broj ugovora: 228/16
13-12-2016